

下役有常數日有多寡悉釐舊弊吾聞惟公生明
我侯以之浮橋主渡爲客舟往來害者甚夥牙僧
罔利爲民間貿易害者甚不便侯皆斥遣之矧侯
於學校尤用情新士服制祭器葺講堂齋廡各如
度刊大學經傳授諸生朔望講說下至小學皆成
誦復葺農桑爲書以教人皆我侯勸勉之力郡臨
江有磯曰望夫曰礚礚曰磧礚懸崖千尺危逕一
線沂流挽纜遭跌蹶而溺者往往而有我侯捐貲
募工倡率僚屬鑿險開道如履平地是又爲操舟
者永久之利噫侯惡惡至矣而復有依憑軍勢朋
爲克狡肆行橫逆侯痛懲之邑賴以清昔之賢守
如文翁之興學龔遂之勸農朱邑之廉節召信臣
之興利彼皆有其一而人誦之至今我侯則兼有
之今三年秩滿行將代去而厲操益清存心益厚
去之日如始至時焉余因思爲政之道得民且難
得其心爲尤難侯非真有以得其心能至是乎侯
爲人慈祥豈弟簡易廉謹不事邊幅專務以德化
人至於用刑乃其不得已者公退之暇日撫琴書